

丙寅二月初版

男宏祚 炎祚 豐祚 貞祚 恭輯



江山萬里樓詩詞鈔二冊
每部一硬面七元
定價一平裝六元

著作者 江東楊 圻雲史

印刷者 中華書局印刷所

總代銷所 中華書局總店

分售處 中華書局各分局

北平	香港	天津	開封
漢口	福州	奉天	長沙
吉林	杭州	南京	成都
蕪湖	重慶	濟南	安慶
廣州	南昌		

飲露詞敘

飲露詞一卷。都十七篇。元配李夫人合肥君謨也。夫人名國香。字道清。文忠公長孫女。伯行先生長女。聰穎通文翰。壬辰年二十歸余。見余填詞好之。喜讀李後主詞。偶作清麗婉約。工於詩。而思致蕭瑟。戒之。夫人事上孝。與人恭。生長侯門。而性節儉。余家清簡。衣必再補。處之若素。年來兒女漸衆。主持瑣屑。無少暇。遂不復作。於是八年之間。僅留此十七篇以存。嗟乎。月圓則蝕。花好則落。於是乎我夫人死矣。然月可蝕而不可掩其光。花可落而不可掩其香。夫人可死而不可掩其慧。我於是乎存。飲露詞。詞不甚工。存之者存其人也。夫人以光緒庚子正月卒於京師。嘗憶夜飲歸來。春雨滿衣。夫人親

爲我易之。翦燭花擲地。布棋局曰當與君遣此無事之時。因賦菩薩蠻。博山香定烟絲直。一闋。乙未初秋夜宿西湖之曲院。月出波上清露有聲。藕香徐來。夫人喜推枕而起。賦水榭燒香雲滿天一闋。又菩薩蠻一闋。有曰玉臂捲湘簾。星河秋滿天。皆紀實也。由今思之。真事已成陳迹。墜歡不可復拾。開卷展誦。人亡聲存。五衷惻怛。不能已已。且夫人容端莊。性凝重。不類其文。無天理。辛丑重陽雲史敘述。

飲露詞目錄

浣溪沙

臨江仙 丁酉之秋雲史赴金陵填臨江仙一闕

寄示率和之

憶王孫 丁酉七夕雲史將有秣陵之行原調和之

浪淘沙 春闈

浣溪沙

浣溪沙

青玉案 暮春

減字木蘭花

更漏子 秋思

臨江仙

少年游

浣溪沙 秋夕夜起納涼和雲史

浣溪沙 乙未七月游省西湖曲院夜起

浣溪沙 又一體

菩薩蠻

相見歡

菩薩蠻

菡萏香。龍鬚冷。簾子風搖難定。還對鏡。更添衣。玉墀清漏稀。深。畫樓近。天涯遠。夢裏醉中恩怨。無可柰。不堪尋。小庭秋雨。

臨江仙

錦帳香微雲鬢。春肌沁暖瑤簪。殘宵有夢待重尋。人歸還有恨。春去未關心。休說從前多少事。從前怎及如今。小橋流水暗沉沉。月明人弄笛。青瑣杏花深。

少年游

遙波無際。片帆不動。烟雨繞江樓。洞房春曉。珠簾半捲。人在柳梢頭。落花愁。桃花浪漲。春愁遠。此意倩誰留。訴與春庭。落花知道。又恐落花愁。

浣溪紗

秋夕夜起納涼和雲史。露脚無聲。雲髻拖銀床。低吹玉笙和藕風。一線晃簾波。近水闌干。人坐處。滿身明月。望秋河。此間清影。納涼多。

浣溪紗

乙未七月遊宿西湖曲院夜起。水榭燒香。雲滿天。月明花底蕩秋船。玉人無寐。睡妝殘。白。

露濛濛。花夢冷。銀河澹澹。水聲寒。清歌一曲水雲閒。

浣溪沙 又一體

轆轤金井。誰家院。銀河明滅參差見。一桁珠簾難放捲。朱
闌六曲凭千遍。傭燕金泥沉水片。一砌秋蟲清夜怨。

菩薩蠻

博山香定。纖絲直。薄妝閑坐西窗側。棋罷正思眠。畫屏春夜
寒。玉階苔蘚薄。花雨廉纖落。春恨自闌珊。梨花半不開。

相見歡

晝長正自堪眠。雨廉纖。半是開花時候。落花天。春如夢。閑
愁重。總堪憐。無奈去年今日。到今年。

菩薩蠻

蓮塘夜靜。簫聲起。銀屏夢覺涼如水。玉臂捲湘簾。星河秋
滿天。悠悠今夜怨。只有鴛鴦見。清影不分明。巧雲移月行。